



# Službeni glasnik

Općine Tuzla

GODINA XLVII

30. SEPTEMBAR 2010. GODINE

BROJ 8

## I AKTI OPĆINSKOG VIJEĆA TUZLA

**1**

Na osnovu člana 5., a u vezi sa članom 27. Zakona o prometu nepokretnosti ("Službeni list SRBiH", broj 38/78., 4/89., 29/90. i 22/91.) i ("Službeni list RBiH", broj 21/92., 3/93. i 17/93.) kao i člana 26. Statuta Općine Tuzla ("Službeni glasnik Općine Tuzla", broj 2/99., 9/00., 2/08. i 12/09.), Općinsko vijeće Tuzla, na sjednici od 22. septembra 2010. godine, donosi

### ODLUKU

**o davanju saglasnosti za zaključivanje Ugovora o poklonu nekretnina-mosta**

#### I

Daje se saglasnost za zaključivanje Ugovora o poklonu nekretnina – mosta, između Općine Tuzla i "BABILON" d.o.o. Tuzla, kojim "BABILON" d.o.o. Tuzla, kao graditelj i investitor, poklanja bez naknade Općini Tuzla, novosagrađeni most preko rijeke Jale, koji se nalazi iznad dijela k.č. broj 719/1, društvena svojina – vode, upisana u PL 545 KO Tuzla I (stari premjer k.č. broj 2060/1, upisana u zk. ul. 6967 KO Tuzla, državno vlasništvo, pravo raspolaganja općine Tuzla) i dijela k.č. broj 146/1, društvena svojina – vode (stari premjer dio k.č. broj 2080/1, javno dobro, Iskaz I, KO Tuzla) i povezuje zemljišne čestice označene kao:

- dio k.č. broj 680/1, posjed Rudnici "Kreka" u Tuzli, d.o.o. Tuzla (stari premjer dio k.č. broj 2060/1 upisana u zk. ul. 6967 KO Tuzla) i
- dio k.č. broj 136/1, posjed Titovi rudnici "Kreka-Banovići" Dobrnja (stari premjer dio k.č. broj 2080/1, javno dobro, Iskaz I, KO Tuzla).

#### II

Ovlašćuje se Općinski načelnik da zaključi Ugovor o poklonu nekretnina – mosta iz prethodne tačke.

#### III

Nakon zaključivanja Ugovora o poklonu nekretnina – mosta, Ugovor će se dostaviti Općinskom pravobranilaštvu radi davanja saglasnosti u smislu odredbi člana 23. Zakona o prometu nepokretnosti.

#### IV

Služba za geodetske imovinsko-pravne poslove, nakon zaključenja Ugovora o poklonu nekretnine – mosta, most će evidentirati na geodetskim planovima u analognom i digitalnom obliku, na način da se isti pripoji rijeci Jali, a u skladu sa Pravilnikom o snimanju detalja ("Službeni list SR BiH", broj 4/91.)

#### V

Odluka stupa na snagu danom objavljivanja u "Službenom glasniku Općine Tuzla".

OPĆINA TUZLA

Općinsko vijeće

Broj: 01/07-31-8094/10

22. septembar 2010. godine

PREDSJEDAVALJUĆI

Nada Mladina

**2**

Na osnovu člana 4. i 61. Zakona o građevinskom zemljištu ("Službene novine FBiH", 67/05.) člana 26. Statuta Općine Tuzla ("Službeni glasnik Općine Tuzla", broj 2/99., 9/00, 2/08. i 12/09.) Općinsko vijeće Tuzla, na sjednici od 22. septembra 2010. godine, donosi

### RJEŠENJE

**o utvrđivanju prava korištenja gradskog građevinskog zemljišta**

#### I

Utvrđuje se u korist Bešić (Faik) Nevresa iz Tuzle, uz naknadu, pravo korištenja radi građenja na gradskom građevinskom zemljištu označenom kao:

- k.č. broj 3063/9 zv. UL. XXI TUZLANSKE BRIGADE, prilazni put, površine 19 m<sup>2</sup>,
- k.č. broj 3063/10 zv. UL. XXI TUZLANSKE BRIGADE, prilazni put, površine 19 m<sup>2</sup>,

upisano u p.l. broj 243 KO Tuzla IV, društvena svojina sa 1/1, korisnik Putevi Tuzla sa 1/1 i

- k.č.broj 909/3 zv. MOSNIK, ekonomsko dvorište površine 19 m<sup>2</sup>

upisana u p.l.broj 223 KO Tuzla IV, društvena svojina sa 1/1, korisnik "GEOISTRAGE" DD Sarajevo iz Sarajeva sa 1/1 (po starom premjeru k.č. broj 1900/45 zv. Mosnik neplodno, površine 19m<sup>2</sup>, k.č. broj 1900/46 zv. Mosnik pašnjak, površine 19m<sup>2</sup> i k.č.broj 1900/47 zv. Mosnik pašnjak, površine 19m<sup>2</sup>, sve upisane u z.k. izvadak NOVI KO Tuzla, društvena svojina sa 1/1, korisnik općina Tuzla sa 1/1).

## II

Bešić (Faik) Nevres iz Tuzle je obavezan da, u roku od 15 dana od dana pravosnažnosti ovog Rješenja, uplati naknadu za zemljište, u iznosu od 6.840,00 KM, na depozitni račun broj 132-100-0185060197, kod NLB "Tuzlanska banka" d.d. Tuzla, vrsta prihoda 722434 i naknadu za pogodnost lokacije (rentu) za utvrđeno pravo korištenja izgrađenog gradskog građevinskog zemljišta označenog u tački I dispozitiva ovog Rješenja, u iznosu od 1.763,20 KM, na depozitni račun, broj 132-100-0185060197, kod NLB "Tuzlanska banka" d.d. Tuzla, vrsta prihoda 722435.

## III

Zemljišno-knjižni ured Općinskog suda Tuzla i Služba za geodetske i imovinsko-pravne poslove Općine Tuzla, na nekretninama iz tačke I dispozitiva ovog Rješenja, brisat će ranije izvršene upise u pogledu prava na njima i iste upisati kao društvena svojina – pravo korištenja zemljišta radi građenja na gradskom građevinskom zemljištu, u korist Bešić (Faik) Nevres iz Tuzle sa 1/1, ali tek po prilaganju dokaza o izvršenoj uplati naknada iz tačke II ovog Rješenja.

## IV

Nakon uplanjenja objekta, po Zahtjevu Bešić (Faik) Nevresa iz Tuzle, u zemljišno-knjižnom i katastarskom operatu, izvršit će se brisanje upisa iz tačke III ovog Rješenja i na istom upisati pravo vlasništva na objektu i zemljištu pod zgradom i zemljištu za redovnu upotrebu zgrade, u korist Bešić (Faik) Nevresa iz Tuzle sa 1/1.

## V

Bešić (Faik) Nevres iz Tuzle je obavezan da, u roku od 8 (osam) dana od dana prijema ovog Rješenja, na ime naknade troškova postupka uplatiti iznos od 30,00 KM, na račun Službe za geodetske i imovinsko-pravne poslove Općine Tuzla, broj 132-100-0185060197, kod Tuzlanske NLB "Tuzlanska banka" d.d. Tuzla, vrsta prihoda 722439.

## VI

Rješenje će se objaviti u "Službenom glasniku Općine Tuzla".

OPĆINA TUZLA  
Općinsko vijeće  
Broj: 01/07-31-1512/09  
22. septembar 2010. godine

PREDSJEDAVALA  
Nada Mladina

## 3

Na osnovu člana 61. Zakona o građevinskom zemljištu Federacije Bosne i Hercegovine ("Službene novine Federacije BiH", broj 67/05.) i člana 26. Statuta Općine Tuzla ("Službeni glasnik Općine Tuzla", broj 2/99., 9/00., 2/08. i 12/09.), Općinsko vijeće Tuzla, na sjednici od 22. septembra 2010. godine, donosi

### RJEŠENJE

#### o utvrđivanju prava korištenja gradskog građevinskog zemljišta

## I

Utvrđuje se, uz naknadu, u korist Begić (Began) Bege iz Tuzle, pravo korištenja radi građenja na gradskom građevinskom zemljištu označenom kao:

- k.č. broj 965/2 zv. Kula, njive 4 klase, površine 149 m<sup>2</sup>,

upisana u posjedovni list broj 1404 KO Tuzla III, državna svojina, korisnik Općina Tuzla sa 1/1 (po starom premjeru označena kao k.č.broj 10/836 zv. oranica Kula, površine 149 m<sup>2</sup>, upisana u zk.uložak broj 7691 KO Tuzla, društvena svojina sa 1/1, uknjiženo pravo korištenja u korist Općine Tuzla sa 1/1) i

- k.č. broj 983/3 zv. Pod novim svijetom, šume 3 klase, površine 56 m<sup>2</sup>,

upisana u posjedovni list broj 283 KO Tuzla III, državna svojina, korisnik "Komunalac" Tuzla sa 1/1 (po starom premjeru označena kao k.č.broj 10/835, Šuma pod novim svijetom, površine 56 m<sup>2</sup>, upisana u zk.uložak broj 370 KO Tuzla, Opštenarodna imovina sa 1/1, organ upravljanja Narodni odbor grada Tuzla).

## II

Begić (Began) Bego iz Tuzle je obavezan da, u roku od 15 dana od dana pravosnažnosti ovog Rješenja, uplati naknadu za utvrđeno pravo korištenja na zemljištu označenom u tački 1. dispozitiva ovog Rješenja i to naknadu za zemljište, u iznosu od 41.000,00 KM, na depozitni račun Općine Tuzla, broj 132-100-0185060197, vrsta prihoda 722433, kod NLB "Tuzlanska banka" d.d. Tuzla i naknadu za pogodnost lokacije-rentu, u iznosu od 6.899,40 KM, na depozitni račun Općine Tuzla, broj 132-100-0185060197, vrsta prihoda 722435, kod NLB "Tuzlanska banka" d.d. Tuzla.

## III

Nakon pravosnažnosti ovog Rješenja i uplate naknada iz tačke 2. dispozitiva Rješenja, kao i troškova postupka, Općinski sud u Tuzli-Zemljišnoknjižni ured i Služba za geodetske i imovinsko-pravne poslove Općine Tuzla, na nekretninama iz tačke 1. dispozitiva ovog Rješenja, brisat će ranije izvršene upise i na istima upisati pravo korištenja radi građenja stambeno-poslovnog objekta, u korist Begić (Began) Bege iz Tuzle sa 1/1.

## IV

Po Zahtjevu Begić (Began) Bege iz Tuzle, na zemljištu poblizje opisanom u tački 1. dispozitiva ovog Rješenja, u postupku uplanjenja stambeno-poslovnog objekta u katastarskom operatu i zemljišnoj knjizi, brisat će se upisi iz tačke 3. dispozitiva ovog Rješenja i na istom upisati pravo vlasništva na objektu i zemljištu pod objektom te zemljištu koje služi za redovnu upotrebu objekta, u korist Begić (Began) Bege iz Tuzle sa 1/1.

## V

Begić (Began) Bego iz Tuzle je obavezan da, u roku od 8 (osam) dana od dana prijema ovog Rješenja, na ime naknade troškova postupka, uplati iznos od 30,00 KM, na depozitni račun Općine Tuzla, broj 132-100-0185060197, vrsta prihoda 722439, kod NLB "Tuzlanska banka" d.d. Tuzla.

## VI

Rješenje će se objaviti u "Službenom glasniku Općine Tuzla".

OPĆINA TUZLA

Općinsko vijeće

Broj: 01/07-31-2379/09

22. septembar 2010. godine

PREDSJEDAVAJUĆI

Nada Mladina

## 4

Na osnovu člana 61. Zakona o građevinskom zemljištu Federacije Bosne i Hercegovine ("Službene novine Federacije BiH", broj 67/05.) i člana 26. Statuta Općine Tuzla ("Službeni glasnik Općine Tuzla", broj 2/99., 9/00., 2/08. i 12/09.), Općinsko vijeće Tuzla, na sjednici od 22. septembra 2010. godine, donosi

## RJEŠENJE

## o utvrđivanju prava korištenja gradskog građevinskog zemljišta

## I

Utvrđuje se, u korist Sokoljak (Safet) Saide iz Tuzle, uz naknadu, pravo korištenja radi građenja na gradskom građevinskom zemljištu označenom kao:

- k.č. broj 1870/3 Vrljike livade površine 901 m<sup>2</sup>,

upisana u posjedovni list broj 2524 KO Tuzla III, kao posjednik upisana Sokoljak (Safet) Saida s dijelom od 1/1 (po starom promjeru parcela označena kao k.č. broj 1695/28, oranica zv. Vrljike, površine 901 m<sup>2</sup>, upisana u zk. uložak broj 2163 KO Tuzla KO Tuzla, državna svojina, uknjiženo pravo korištenja na zemljištu u korist Azema Hukića dio od 10/81, Zinete Hukić dio od 10/81, Samije Hukić dio od 10/81, Zumrete Hukić dio od 10/81, Ajše Hukić dio od 10/81, Alije Hukić dio od 10/81, Envera Hukića dio od 70/729, Suade Hukić dio od 10/729, Sabine Hukić dio od 10/729, Jaganjac Faika dio od 11/486, Jaganjac Ibrahima dio od 11/486, Jaganjac Nedima dio od 11/486, Jaganjac Nedžada dio od 11/486, Jaganjac Nijaza dio od 11/486 i Jaganjac Damira dio od 11/486).

## II

Sokoljak (Safet) Saida iz Tuzle je obavezna, u roku od 15 dana od dana pravosnažnosti ovog Rješenja, uplatiti naknadu za pogodnost lokacije (rentu), u iznosu od 6133,00 KM, na depozitni račun Općine Tuzla, broj 132-100-0185060197, vrsta prihoda 722 435 kod NLB "Tuzlanska banka" d.d. Tuzla.

## III

Nakon pravosnažnosti ovog Rješenja i priloženih dokaza o uplatama iz tačke 2. dispozitiva ovog Rješenja, na nekretninama iz tačke 1. dispozitiva ovog Rješenja, brisat će sve ranije izvršene upise u pogledu prava na njima i iste upisati kao pravo korištenja radi građenja u korist Sokoljak Saide sa 1/1.

## IV

Po Zahtjevu Sokoljak (Safet) Saide iz Tuzle, u postupku uplanjenja objekta izgrađenog na zemljištu iz tačke 1. dispozitiva ovog Rješenja, u katastarskom operatu i zemljišnoj knjizi, brisat će se upisi iz tačke 3. dispozitiva ovog Rješenja i na istom upisati pravo vlasništva na objektu i zemljištu pod objektom te zemljištu koje služi za redovnu upotrebu objekta, u korist Sokoljak (Safet) Saide sa 1/1.

## V

Sokoljak Saida iz Tuzle je dužna, u roku od 8 (osam) dana od dana prijema ovog Rješenja, na ime naknade troškova postupka uplatiti iznos od 100,00 KM, na račun Službe za geodetske i imovinsko-pravne poslove Općine Tuzla, broj 132-100-03030100-63, vrsta prihoda 722439 kod NLB "Tuzlanska banka" d.d. Tuzla.

## VI

Rješenje će se objaviti u "Službenom glasniku Općine Tuzla".

OPĆINA TUZLA

Općinsko vijeće

Broj: 01/08-31-3590/10

22. septembar 2010. godine

PREDSJEDAVAJUĆI

Nada Mladina

## 5

Na osnovu člana 26. Statuta Općine Tuzla ("Službeni glasnik Općine Tuzla", broj 2/99., 9/00., 2/08. i 12/09.), a u vezi sa članom 217. Zakona o upravnom postupku ("Službene novine Federacije BiH", broj 2/98. i 45/99.), Općinsko vijeće Tuzla, na sjednici od 22. septembra 2010. godine, donosi

ZAKLJUČAK  
o ispravci greške

## I

URješenju Općinskog vijeća Tuzla, broj 01/07-31-3088/06, od 27.01.2009. godine, kojim je Hamzić (Agan) Mehmedu iz Tuzle utvrđeno pravo korištenja radi građenja na zemljištu označenom kao: k.č. broj 2090/9 KO Tuzla III (stari premjer k.č. broj 1688/50 KO Tuzla), pogrešno je označeno i to:

- u tački II dispozitiva, umjesto “naknada za pogodnost lokacije u iznosu od 8.389,38 KM”, treba da stoji iznos od “8.162,64 KM” pa se ovim Zaključkom navedena greška ispravlja.

## II

Ostali dijelovi Rješenja ostaju neizmijenjeni.

## III

Zaključak će se objaviti u “Službenom glasniku Općine Tuzla”.

OPĆINA TUZLA  
Općinsko vijeće  
Broj: 01/07-31-3088/06  
22. septembar 2010. godine

PREDSJEDAVALAČICA  
Nada Mladina

# II AKTI OPĆINSKOG NAČELNIKA TUZLA

## 1

Na osnovu člana 34. Zakona o budžetima u Federaciji Bosne i Hercegovine (“Službene novine F BiH”, broj 19/06., 76/08., 5/09., 32/09. i 9/10.), člana 39. i 131. Statuta Općine Tuzla, (“Službeni glasnik Općine Tuzla”, broj 2/99., 9/00., 2/08. i 12/09.) i člana 16. Odluke o izvršavanju Budžeta Općine Tuzla za 2010. godinu (“Službeni glasnik Općine Tuzla”, broj 3/10.), a u vezi s Prijedlogom Službe za razvoj, poduzetništvo i društvene djelatnosti, broj: 04-14-7097/10 od 31. 08. 2010. godine i Zahtjevom Čamrković Selme iz Tuzle, Općinski načelnik Tuzla, donosi

### ODLUKU

#### o izdvajanju sredstava iz Tekuće rezerve Budžeta Općine Tuzla za 2010. godinu, Čamrković Selmi

##### I

Odobrava se izdvajanje novčanih sredstava iz Budžeta Općine Tuzla za 2010. godinu, pozicija “Tekuća rezerva Budžeta”, u iznosu od 700,00 KM (sedam stotina konvertibilnih maraka).

##### II

Sredstva iz tačke I ove Odluke se izdvajaju Čamrković Selmi, na ime finansijske pomoći za pokrivanje dijela troškova liječenja teško oboljele kćerke Melike.

##### III

Za izvršenje ove Odluke se zadužuje Služba za budžet i finansije, koja će navedena sredstva uplatiti na račun Čamrković Selme, broj: 132-100-02054823-83, partija broj: 6775-9504-0009-9510-599, otvoren kod NLB “Tuzlanska banka” d.d. Tuzla.

##### IV

Odluka stupa na snagu danom donošenja i bit će objavljena u “Službenom glasniku Općine Tuzla”.

OPĆINA TUZLA  
Općinski načelnik  
Broj: 02-14-7097-2010.  
2. septembar 2010. godine

OPĆINSKI NAČELNIK  
Jasmin Imamović

## 2

Na osnovu člana 34. Zakona o budžetima u Federaciji Bosne i Hercegovine (“Službene novine F BiH”, broj 19/06., 76/08., 5/09., 32/09. i 9/10.), člana 39. i 131. Statuta Općine Tuzla, (“Službeni glasnik Općine Tuzla”, broj 2/99., 9/00., 2/08. i 12/09.) i člana 16. Odluke o izvršavanju Budžeta Općine Tuzla za 2010. godinu (“Službeni glasnik Općine Tuzla”, broj 3/10.), a u vezi s Prijedlogom Službe za razvoj, poduzetništvo i društvene djelatnosti, broj: 04-14-7602/10 od 22. 09. 2010. godine i Zahtjevom Mujkić Bersime iz Tuzle, Općinski načelnik Tuzla, donosi

### ODLUKU

#### o izdvajanju sredstava iz Tekuće rezerve Budžeta Općine Tuzla za 2010. godinu, Mujkić Bersimi

##### I

Odobrava se izdvajanje novčanih sredstava iz Budžeta Općine Tuzla za 2010. godinu, pozicija “Tekuća rezerva Budžeta”, u iznosu od 500,00 KM (pet stotina konvertibilnih maraka).

##### II

Sredstva iz tačke I ove Odluke se izdvajaju Mujkić Bersimi, na ime finansijske pomoći za pokrivanje dijela troškova liječenja teško oboljelog muža Rasima.

##### III

Za izvršenje ove Odluke se zadužuje Služba za budžet i finansije, koja će navedena sredstva uplatiti na račun Mujkić Bersime, broj: 132-730-00000005-66, partija broj: 1321002008196343, otvoren kod NLB “Tuzlanska banka” d.d. Tuzla.

##### IV

Odluka stupa na snagu danom donošenja i bit će objavljena u “Službenom glasniku Općine Tuzla”.

OPĆINA TUZLA  
Općinski načelnik  
Broj: 02-14-7602-2010.  
23. septembar 2010. godine

OPĆINSKI NAČELNIK  
Jasmin Imamović

2/93., 2/98., i 7/98.) i člana 39. i 131. Statuta Općine Tuzla ("Službeni glasnik Općine Tuzla", broj 2/99., 9/00., 2/08. i 12/09.), Općinski načelnik Tuzla, donosi

### RJEŠENJE

#### o imenovanju predsjednika i članova privremenog Upravnog odbora Javne zdravstvene ustanove Gradske apoteke Tuzla

##### I

Na period od šezdeset dana, imenuje se predsjednik i članovi privremenog Upravnog odbora Javne zdravstvene ustanove Gradske apoteke Tuzla, u sastavu:

- Amir Delić, predsjednik Upravnog odbora, predstavnik Osnivača
- Mario Križić, član Upravnog odbora, predstavnik Osnivača
- Vedad Pašić, član Upravnog odbora, predstavnik Osnivača
- Suzana Bijedić, član Upravnog odbora, iz reda zaposlenih u Ustanovi
- Velida Mujkić, član Upravnog odbora, ispred Ministarstva zdravstva TK.

##### II

Rješenje stupa na snagu danom donošenja, a objavit će se u "Službenom glasniku Općine Tuzla".

OPĆINA TUZLA

OPĆINSKI NAČELNIK

Općinski načelnik

Broj: 02-05-8013-2010.

Jasmin Imamović

20. septembar 2010. godine

### 3

Na osnovu člana 34. Zakona o budžetima u Federaciji Bosne i Hercegovine ("Sl. novine F BiH", broj 19/06., 76/08., 5/09., 32/09. i 9/10.), člana 39. i 131. Statuta Općine Tuzla, ("Sl. glasnik Općine Tuzla", broj 2/99., 9/00., 2/08. i 12/09.) i člana 16. Odluke o izvršavanju Budžeta Općine Tuzla za 2010. godinu ("Sl. glasnik Općine Tuzla", broj 3/10.), a u vezi s Prijedlogom Službe za razvoj, poduzetništvo i društvene djelatnosti, broj: 04-14-7825/10 od 23. 09. 2010. godine i Zahtjevom prof. dr. sc. Petrović Miroslava iz Tuzle, Općinski načelnik Tuzla, donosi

### ODLUKU

#### o izdvajanju sredstava iz Tekuće rezerve Budžeta Općine Tuzla za 2010. godinu, prof. dr. sc. Petrović Miroslavu

##### I

Odobrava se izdvajanje novčanih sredstava iz Budžeta Općine Tuzla za 2010. godinu, pozicija "Tekuća rezerva Budžeta", u iznosu od 2.500,00 KM (dvije hiljade i pet stotina konvertibilnih maraka).

##### II

Sredstva iz tačke I ove Odluke se izdvajaju prof. dr. sc. Petrović Miroslavu, na ime finansijske pomoći za kupovinu neophodnog lijeka.

##### III

Za izvršenje ove Odluke se zadužuje Služba za budžet i finansije, koja će navedena sredstva uplatiti na račun prof. dr. sc. Petrović Miroslava, broj: 132-101-05033472-18, otvoren kod NLB "Tuzlanska banka" d.d. Tuzla.

##### IV

Odluka stupa na snagu danom donošenja i bit će objavljena u "Službenom glasniku Općine Tuzla".

OPĆINA TUZLA

OPĆINSKI NAČELNIK

Općinski načelnik

Broj: 02-14-7825-2010.

Jasmin Imamović

23. septembar 2010. godine

### 4

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj 34/03.), člana 10. Odluke o osnivanju Javne zdravstvene ustanove "Apoteke" Tuzla ("Službeni glasnik Općine Tuzla", broj 6/92.,

### 5

Na osnovu člana 26. Zakona o ustanovama ("Službeni list R BiH", broj 6/92., 8/93., i 13/94.), člana 264. stav 1. alineja 3. Zakona o privrednim društvima ("Službene novine Federacije Bosne i Hercegovine", broj 23/99., 45/00., 2/02., 29/03., 68/05., 91/07. i 84/08.) i člana 39. Statuta Općine Tuzla ("Službeni glasnik Općine Tuzla", broj 2/98., 9/00. i 2/08.), Općinski načelnik Tuzla, donosi

### RJEŠENJE

#### o razrješenju člana Upravnog odbora Javne ustanove Dom mladih Tuzla

##### I

Dipl. pravnik Almir Šuta, na lični zahtjev, razrješava se dužnosti člana Upravnog odbora Javne ustanove Dom mladih Tuzla, danom 23.09.2010. godine.

##### II

Rješenje stupa na snagu danom donošenja

## III

Rješenje će se objaviti u "Službenom glasniku Općine Tuzla".

OPĆINA TUZLA

Općinski načelnik

Broj: 02-05-8317-2010.

23. septembar 2010. godine

OPĆINSKI NAČELNIK

Jasmin Imamović

## 6

Na osnovu člana 69. Zakona o organizaciji organa uprave u Federaciji Bosne i Hercegovine, člana 39. Statuta Općine Tuzla ("Službeni glasnik Općine Tuzla", broj 2/99., 9/00., 2/08. i 12/09.) i člana 154. Odluke o komunalnom redu ("Službeni glasnik Općine Tuzla", broj 4/10.), Općinski načelnik Tuzla, donosi

## PRAVILNIK

**o obliku i sadržaju iskaznice komunalnog inspektora i komunalnog redara u Službi za inspeksijske poslove Općine Tuzla**

## I OPĆE ODREDBE

## Član 1.

Ovim Pravilnikom se uređuje oblik i sadržaj službene iskaznice komunalnog inspektora (u daljem tekstu: inspektor) i komunalnog redara (u daljem tekstu: redar) u Službi za inspeksijske poslove Općine Tuzla (u daljem tekstu: Služba), postupak izdavanja i način zamjene iskaznice, te vođenje evidencije o izdatim i zamijenjenim iskaznicama.

## Član 2.

1. Iskaznica je javna isprava, kojom inspektor, redar ili drugo službeno lice koje ima iskaznicu, dokazuje svoju službenu funkciju, identitet i ovlaštenja propisana zakonom i drugim propisom.
2. Inspektor, redar ili drugo službeno lice Službe, koje ima iskaznicu, dužno je istu nositi za vrijeme obavljanja poslova inspeksijskog nadzora i pokazati je na uvid subjektu nadzora.
3. Lica iz prethodnog stava nose iskaznicu na način određen u članu 4. Pravilnika, a na službenoj uniformi, na zato određenom mjestu.

## II OBLIK I SADRŽAJ ISKAZNICE

## Član 3.

1. Oblik i sadržaj iskaznice inspektora je propisan odredbama člana 3. do 9. Pravilnika o obliku i sadržaju iskaznice inspektora u organu uprave u Federaciji Bosne i Hercegovine ("Službene novine FBiH", broj 15/08.), a koje odredbe se shodno primjenjuju na oblik i sadržaj, izdavanje i način zamjene kao i vođenje evidencije o iskaznicama za inspektore.

2. Iskaznica redara ili drugog službenog lica Službe, za obavljanje poslova inspeksijskog nadzora, sadrži podatke o identitetu lica kome je izdata iskaznica i druge podatke predviđene u Obrascu broj 1, koji se nalazi u prilogu i čini sastavni dio ovog Pravilnika.

## Član 4.

1. Iskaznica redara ili drugog službenog lica Službe je pravougaonog oblika sa zaobljenim uglovima, dimenzija 54 x 86 mm.
2. Iskaznica se izrađuje na plastičnoj podlozi, bijele boje.
3. Sastavni dio iskaznice čini plastični okvir s vodicom u koje se uvlači iskaznica u svojstvu zaštite iste na koji je pričvršćena vezica, koja služi u svrhu nošenja iskaznice oko vrata.

## III IZDAVANJE I ZAMJENA ISKAZNICE

## Član 5.

1. Iskaznicu inspektoru, redaru ili drugom službenom licu izdaje rukovodilac Službe, u čijoj nadležnosti se obavljaju navedeni poslovi inspekcije.
2. Iskaznica se zamjenjuje u slučaju gubitka ili znatnijeg oštećenja.
3. Zamjena, odnosno izdavanje nove iskaznice, vrši se na pismeni zahtjev inspektora, redara ili drugog službenog lica, koji se podnosi rukovodiocu Službe koji je iskaznicu izdao.
4. Nova iskaznica će se izdati nakon što se izgubljena, nestala ili znatnije oštećena iskaznica, objavi nevažećom u "Službenom glasniku Općine Tuzla".

## Član 6.

Redar, ili drugo službeno lice koje po bilo kom osnovu izgubi svoj službeni status, dužan je odmah, a najkasnije u roku od 3 (tri) dana od dana gubitka službenog statusa, vratiti iskaznicu rukovodiocu Službe koji je tu iskaznicu izdao.

5. Ukoliko redar, ili drugo službeno lice, ne vrati iskaznicu u roku i pod uslovom iz stava 1. ovog člana, rukovodilac Službe je dužan iskaznicu oglasiti nevažećom u skladu s odredbom člana 5. ovog Pravilnika, u roku od 3 (tri) dana od kada je iskaznicu trebalo vratiti.

## IV EVIDENCIJA O ISKAZNICAMA

## Član 7.

1. Rukovodilac Službe je dužan voditi evidenciju o izdatim i zamijenjenim iskaznicama iz člana 5. ovog Pravilnika.
2. Evidencija iz stava 1. ovog člana se vodi u vidu posebne knjige formata A4 i sadrži sljedeće podatke:
  - redni broj,
  - ime i prezime lica/osobe kojem je izdata, odnosno zamijenjena iskaznica,

- broj iskaznice (koji se označava organizacionom jedinicom Službe i na taj broj se dodaje broj matičnog kartona iz personalne evidencije lica kojem se iskaznica izdaje i redni broj),
  - status službenog lica,
  - datum izdavanja iskaznice,
  - datum zamjene iskaznice,
  - datum vraćanja iskaznice i
  - potpis lica/osobe primaoca iskaznice.
3. Knjiga evidencije iz stava 2. ovog člana čuva se kao trajna arhivska građa.

**Član 8.**

Knjiga evidencije iz prethodnog člana se vodi na formatu A4, prema Obrascu broj 2, koji se nalazi u prilogu i čini sastavni dio ovog Pravilnika.

## V PRELAZNE I ZAVRŠNE ODREDBE

**Član 9.**

Odredbe ovog Pravilnika se primjenjuju i na građevinske kontrolore i dostavljača-kurira Službe.

**Član 10.**

Danom stupanja na snagu ovog Pravilnika prestaju važiti odredbe Pravilnika o obliku i sadržaju iskaznice, odjeće i oznaka na odjeći inspektora i komunalno-ekoloških kontrolora Općine Tuzla ("Službeni glasnik Općine Tuzla", broj 4/99.) u dijelu koji se odnosi na iskaznicu.

**Član 11.**

Pravilnik stupa na snagu danom donošenja, a objavit će se u "Službenom glasniku Općine Tuzla".

OPĆINA TUZLA

Općinski načelnik

Broj: 02-14-7899-2010.

10. septembar 2010. godine

OPĆINSKI NAČELNIK

Jasmin Imamović

**Obrazac broj 1****Format 54 x 86 mm**

**OBRAZAC ISKAZNICE OPĆINSKOG KOMUNALNOG REDARA I GRAĐEVINSKOG KONTROLORA**

<b>Bosna i Hercegovina FEDERACIJA BOSNE I HERCEGOVINE TUZLANSKI KANTON OPĆINA TUZLA Služba za inspekcijske poslove</b>		
<b>Prostor za grb Općine</b>		
<b>ISKAZNICA _____</b>		
Hologramski prozirni tekstualni zapis dimenzija 10x86 mm s grbom Općine-sadržaj teksta: naziv organa uprave		
<b>Fotografija 20 x 25 mm</b>		
_____	_____	_____
<b>Ime i prezime službenog lica</b>	<b>Broj</b>	<b>Potpis službenog lica</b>
_____	_____	_____
<b>Naziv funkcije ovlaštene osobe</b>	<b>Potpis ovlaštene osobe</b>	
_____	_____	
<b>Mjesto i datum izdavanja</b>	_____	

## LEĐNA STRANA ISKAZNICE

Službeno lice ima prava i ovlaštenja u skladu sa:

Obrazac broj 2  
Format A4  
Prednja strana

**K N J I G A**  
evidencije o izdatim i zamijenjenim iskaznicama  
komunalnog redara

**S A D R Ź A J**  
knjige evidencije o izdatim i zamijenjenim iskaznicama

R/b	Ime i prezime	Broj iskaznice	Status službenog lica	Datum izdavanja iskaznice	Datum zamjene iskaznice	Datum vraćanja iskaznice	Potpis







# SADRŽAJ

## “Službenog glasnika Općine Tuzla”, broj 8/2010

### I AKTI OPĆINSKOG VIJEĆA TUZLA

1. Odluka o davanju saglasnosti za zaključivanje Ugovora o poklonu nekretnina-mosta ..... 473
2. Rješenje o utvrđivanju prava korištenja gradskog građevinskog zemljišta (01/07-31-1512/09) ..... 473
3. Rješenje o utvrđivanju prava korištenja gradskog građevinskog zemljišta (01/07-31-2379/09) ..... 474
4. Rješenje o utvrđivanju prava korištenja gradskog građevinskog zemljišta (01/07-31-3590/09) ..... 475
5. Zaključak o ispravci greške (01/07-31-3088/09) ..... 475

### II AKTI OPĆINSKOG NAČELNIKA TUZLA

1. Odluka o izdvajanju sredstava iz Tekuće rezerve Budžeta Općine Tuzla za 2010. godinu, Čamrković Selmi ..... 476

2. Odluka o izdvajanju sredstava iz Tekuće rezerve Budžeta Općine Tuzla za 2010. godinu, Mujkić Bersimi ..... 476
3. Odluka o izdvajanju sredstava iz Tekuće rezerve Budžeta Općine Tuzla za 2010. godinu, prof. dr. sc. Petrović Miroslavu ..... 477
4. Rješenje o imenovanju predsjednika i članova privremenog Upravnog odbora Javne zdravstvene ustanove Gradske apoteke Tuzla ..... 477
5. Rješenje o razrješenju člana Upravnog odbora Javne ustanove Dom mladih ..... 477
6. Pravilnik o obliku i sadržaju iskaznice komunalnog inspektora i komunalnog redara u Službi za inspeksijske poslove Općine Tuzla ..... 478

